



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏՐԱՆՍՊՈՐՏԻ, ԿԱՊԻ ԵՎ  
ՏԵՂԵԿԱՏՎԱԿԱՆ ՏԵԽՆՈԼՈԳԻԱՆԵՐԻ ՆԱԽԱՐԱՐ**

**Հ Ր Ա Մ Ա Ն**

“ 23 ” 10 2018 թ.

N 832-Ն

ք. Երևան

**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆԻՑ ԴԵՊԻ ՌՈՍԱՍՏԱՆԻ ԴԱՇՆՈՒԹՅՈՒՆ ՄԻՋՊԵՏԱԿԱՆ  
ՈՉ ԿԱՆՈՆԱՎՈՐ ՈւՂԵՎՈՐԱՓՈԽԱԴՐՈՒՄՆԵՐԻ ԹՈՅՆՎՈՐՈՒԹՅՈՒՆՆԵՐԻ ՏՐԱՄԱԴՐՄԱՆ  
ԳՈՐԾԸՆԹԱՅԸ ԿԱԶՄԱԿԵՐՊԵԼՈՒ ԵՎ ՊԱՏԱՍԽԱՆԱՏՈՒ ԱՆՁ ՍԱՀՄԱՆԵԼՈՒ ՄԱՍԻՆ**

«Հայաստանի Հանրապետության կառավարության և Ռուսաստանի Դաշնության կառավարության միջև՝ միջազգային ավտոմոբիլային հաղորդակցության մասին» 2017 թվականի հոկտեմբերի 24-ի համաձայնագրի պահանջների կատարումն ապահովելու նպատակով, մինչև Հայաստանի Հանրապետության օրենսդրության մեջ համապատասխան փոփոխությունների կատարումը.

**Հ Ր Ա Մ Ա Յ ՈՒ Մ Ե Մ՝**

1. Հաստատել՝
  - 1) Հայաստանի Հանրապետությունից դեպի Ռուսաստանի Դաշնություն միջպետական ոչ կանոնավոր ուղևորափոխադրումների թույլտվությունների տրամադրման համար անհրաժեշտ փաստաթղթերի ցանկը, համաձայն հավելված 1-ի:
  - 2) Թույլտվությունների հաշվառման և հատկացման գրանցամատյանի ձևը, համաձայն հավելված 2-ի
2. Հայաստանի Հանրապետությունից դեպի Ռուսաստանի Դաշնություն միջպետական ոչ կանոնավոր ուղևորափոխադրումների թույլտվությունների տրամադրման պատասխանատու անձ նշանակել Հայաստանի Հանրապետության տրանսպորտի, կապի և տեղեկատվական տեխնոլոգիաների նախարարության լիցենզավորման գործակալության պետի տեղակալ Արայիկ Ստեփանյանին:
3. Սահմանել, որ.
  - 1) Հայաստանի Հանրապետությունից դեպի Ռուսաստանի Դաշնություն միջպետական ոչ կանոնավոր ուղևորափոխադրումների թույլտվությունները տրամադրվում են առնվազն 3 աշխատանքային օրվա ընթացքում՝ «Հայաստանի Հանրապետության կառավարության և Ռուսաստանի Դաշնության կառավարության միջև՝ միջազգային ավտոմոբիլային հաղորդակցության մասին» 2017 թվականի հոկտեմբերի 24-ի համաձայնագրի պահանջներին և սույն հրամանին համապատասխան:

2) Թույլտվություն տրվում է ուղևորներին Ռուսաստանի Դաշնություն հասցնելու և հետադարձ ուղղությամբ մեկ երթ կամ Ռուսաստանի Դաշնության տարածքով տարանցիկ փոխադրում կատարելու համար:

3) Թույլտվությունները հատկացվում են ըստ ստացված հայտերի հերթականության և հաշվի առնելով, որ թույլտվությունները սահմանափակ քանակությամբ են, յուրաքանչյուր փոխադրողի շաբաթական հատկացվում է ոչ ավել քան մեկ թույլտվություն:

4) Սույն հրամանի թիվ 1 հավելվածում նշված փաստաթղթերը, հայտատուի հայեցողությամբ, կարող են ներկայացվել էլեկտրոնային եղանակով:

4. Հայաստանի Հանրապետության տրանսպորտի, կապի և տեղեկատվական տեխնոլոգիաների նախարարության լիցենզավորման գործակալության պետի տեղակալ Արայիկ Ստեփանյանին՝

1) Իրականացնել թույլտվությունների հաշվառման և հատկացման գրանցամատյանի վարման աշխատանքները:

2) Ապահովել յուրաքանչյուր եռամսյակ տրամադրված թույլտվությունների վերաբերյալ տեղեկատվության ներկայացումը Հայաստանի Հանրապետության պետական եկամուտների կոմիտեին՝ նշելով հայտատուի տվյալները և տրանսպորտային միջոցի տեսակը:

5. Հայաստանի Հանրապետության տրանսպորտի, կապի և տեղեկատվական տեխնոլոգիաների նախարարության աշխատակազմի հասարակության հետ կապերի բաժնի պետ Ս. Մամյանին սույն հրամանը տեղադրել Հայաստանի Հանրապետության տրանսպորտի, կապի և տեղեկատվական տեխնոլոգիաների նախարարության կայքէջում:

6. Սույն հրամանի կատարման նկատմամբ վերահսկողությունը վերապահել Հայաստանի Հանրապետության տրանսպորտի, կապի և տեղեկատվական տեխնոլոգիաների նախարարի առաջին տեղակալի պաշտոնակատար Ա. Փամբուխյանին:

ՆԱԽԱՐԱՐԻ ՊԱՇՏՈՆԱԿԱՏԱՐ՝

Հ. ԱՐՇԱԿՅԱՆ

“ 23 ” 10 2018թ  
ք. Երևան

## ՑԱՆԿ

### ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆԻՑ ԴԵՊՐՈՒՍԱՍՏԱՆԻ ԴԱՇՆՈՒԹՅՈՒՆ ՄԻՋՊԵՏԱԿԱՆ ՈՉ ԿԱՆՈՆԱՎՈՐ ՈՒՂԵՎՈՐԱՓՈԽԱԴՐՈՒՄՆԵՐԻ ԹՈՅՆՏՎՈՒԹՅՈՒՆՆԵՐԻ ՏՐԱՄԱԴՐՄԱՆ ՀԱՄԱՐ ԱՆՀՐԱԺԵՇՏ ՓԱՍՏԱԹՂԹԵՐԻ

1. Հայտ, համաձայն N 1 ձևի
2. Պետական տուրքի վճարման անդորրագիրը, որը պետք է ներառի հայտատուի ազգանունը, անունը, հայրանունը (կազմակերպության դեպքում՝ կազմակերպության անվանումը) ավտոտրանսպորտային միջոցի մակնիշը և հաշվառման համարանիշը:
3. Ավտոտրանսպորտային միջոցի (ավտոբուս, միկրոավտոբուս) հաշվառման վկայագրի պատճենը
4. Օրենքով սահմանված կարգով օգտագործման իրավունքով պատկանող տրանսպորտային միջոցի համար համապատասխան պայմանագրի պատճենը

Ձև N 1

Հայաստանի Հանրապետության  
տրանսպորտի, կապի և տեղեկատվական  
տեխնոլոգիաների նախարարություն

-----  
(կազմակերպության անվանումը, անհատ ձեռնարկատիրոջ  
կամ ֆիզիկական անձի դեպքում՝ անուն, ազգանունը հայրանունը)

-----  
(կազմակերպության գտնվելու վայրը, անհատ ձեռնարկատիրոջ  
կամ ֆիզիկական անձի դեպքում՝ բնակության վայրը)

-----  
(հեռախոսահամարը)

## ԴԻՄՈՒՄ

Խնդրում եմ \_\_\_\_\_ մակնիշի \_\_\_\_\_ հաշվառման  
համարանիշի տրանսպորտային միջոցին (ավտոբուսին, միկրոավտոբուսին) տրամադրել  
\_\_\_\_\_ երթուղով, դեպի Ռուսաստանի Դաշնություն (Ռուսաստանի Դաշնությամբ  
տարանցիկ) միջպետական ոչ կանոնավոր ուղևորափոխադրում \_\_\_\_/\_\_\_\_ (տրանսպորտային  
միջոցի նստատեղերի քանակը (առանց վարորդի նստատեղի)/ փոխադրվող ուղևորների քանակը )  
իրականացնելու մեկանգամյա թույլտվություն:

Կից ներկայացնում եմ պահանջվող փաստաթղթերը \_\_\_\_\_ թերթ:

Դիմող՝ \_\_\_\_\_  
(ստորագրություն)

\_\_\_\_\_թ.

